



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Olavs Mart. 29. Iulii.

**urn:nbn:de:hbz:466:1-42032**

in Diis ulciscuntur, rectiusque hos humi affligunt. Mari deinde velut prato inambulantes vidisses. Mitto cætera. NAZARIUS cervicem gladio præbuit. Idem CELSVS fecit, tantillus discipulus Magistro tanto non impar. Ex Lippeloo.

*Quod loquimur, dictamus & scribimus, de vite nostra parte prætervolat: qui dudum infans, subito puer, repente juvenis, & usque ad senectutem per spatia mutatur incerta, & antè se senem intelligit, quàm juvenem non esse miretur. S. Hieron. lib. c. 40. ff.*

S. OLAVS MART. 29. Iulii.

SI ulli magnatum profuit alienas terras lustrare, OLAVO profuit Norwegiæ Regi. Fortè Angliæ regnum hospes intravit, cum oculis, non ut hodie fit, ad curiositatem abusus, inter peregrina decora Fidem nostram aspexit. Placuit; ac proin Rothomagi postea sacris undis ablutus alius in regnum suum rediit, aulæ comites permultos Episcopos & fidei præcones trahens. Sed & ipse gloriosum duxit dignumque rege munus, Evangelij præconium facere, quæ quidem inter Imperii curas prima jam illi erat. Altera ab hac, cum otium bella dabant, purgare regnum ab ariolis & incantatoribus, quos ille, quia fumos vendunt, dignissimos ignibus judicavit. Leges, quas Ecclesia sanxit, quàm sanctas à suis haberi voluerit, ex eo perspecies, si scias quàm severè neglectas in se ipso vindicavit. Nam fortè festo die cortice bacillum nudabat. Monitus statuit à malè otiosâ manu pœnas continuò expetere. Itaque assulas in ipsâ manu incendi voluit, & peccantem ignibus expiari. Cæterum quia justitiæ amans cum primis erat, nihil mirum si post hanc terris proscriptam etiam

Q. ipse

ipse in exilium est pulsus. Rediit tamen postlimi-  
nō in regnum. Verū, quōd secum reducere etiam  
justitiam laboraret, concitavit in se Danorum ar-  
ma. Contra hos dum movet, videt in somnis sca-  
lam ad cælos pertingentem, dumque illuc con-  
titur, ecce à legato expergefactus conqueritur ni-  
mirum cælo se detractum. Sed eodem mox subit,  
cum proditus à suis in pugna cecidit. Nostri tamen  
avi principibus scalam, hoc est, vitæ exemplum re-  
liquit. *Ex vit. Aquil.*

*Dum vocat & licet, virtutes amplectere: in oculis  
tuis versetur pudor, in auribus veritas, verba vitæ  
in linguâ tuâ, imago Dei in corde tuo, in membris  
omnibus continentia, ut ab Angelis & hominibus  
callauderis. S. Ephrem de Exercitatione.*

## S. LVPVS EPISCOP. 29. Iulij.

**L**VPVM dixi. Tu, si vitam leges, ovem, scio, di-  
ces, ita placidis moribus hic LVPVS erat. In  
conjugio annos egit septem omnino. Dehinc inter  
Cœnobitas cœpit vivere, & conjux in virginum  
collegio, gratissimo Superis divortio. Verū Tre-  
centis ex cœnobio extraxerunt, & quamvis invitū  
LVPVM pastorem sibi legerunt, felicissimo eventu.  
Alter enim lupus sed longè crudelissimus gregi im-  
minebat Attila, ille orbis prædo ebrius semper, sed  
nunquam satur humano sanguine. Et jã infesta signa  
urbi inferebat, cum obvius irato cum suis sit Ponti-  
fex, rogatq; quem deniq; sese esse putaret Rex, qui  
mundum sic omnē fulminis instar pervaderet? Attila  
nihil humile spirans, *flagellum DEI* se esse respon-  
det. Hic enim verò. Antistes portas pandi omnes  
civitatis jubet & modestissimis verbis avere mul-  
tum jubet *DEI flagellum*. Quid expectas? verba hec  
fero-